

**Pembangkok Perlu Hentikan Isu Scorpene - Rosnah
Bernama
20 Oktober, 2012**

KUALA LUMPUR, 20 Okt (Bernama) -- Ketua Pergerakan Puteri Umno, Datuk Rosnah Abdul Rashid Shirlin berkata pakatan pembangkang perlu menghentikan manipulasi mereka berhubung isu pembelian kapal selam Scorpene dari Perancis.

Beliau berkata dakwaan mereka itu jelas tidak mempunyai asas dan hanyalah strategi untuk mengelirukan rakyat.

Sambil membidas tindakan pembangkang yang mengutarakan spekulasi palsu, Rosnah berkata isu pembelian kapal berkenaan sepatutnya tidak lagi timbul kerana segala perkara berkaitannya telah dijelaskan.

"Isu pembelian kapal selam Scorpene seharusnya tidak timbul lagi. Pembelian kapal selam yang dibuat dari segi perundangan telah dibuat mengikut garis panduan yang telah ditetapkan oleh Kementerian Kewangan.

"Bahkan Perdana Menteri Datuk Seri Najib Tun Razak sendiri telah menjelaskan bahawa perjanjian pembelian Scorpene telah dibentangkan di Parlimen," katanya dalam kenyataan di sini, Sabtu.

Menurutnya rancangan pembelian kapal selam dibuat sejak 1991 dan pada tahun 1995, Kementerian Kewangan meluluskan proses pembelian kapal selam dengan harga yang telah ditetapkan oleh kerajaan Perancis.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=703549>